

Lagerbericht vom 07.10.2016

Hüt Morge simmer vode Blättlischläcker (Klarinette) wieder in Schlaf gspillt worde. Nachdem au die letschd Person s'gigantische zMorge fertig gesse hed, hed zum erste mal als ersts e Gesamtprob stattfunde. De Sandro isch sichtlich stolz gsi, uf das was mir hütt Morge gleistet händ (vor allem, dass t'Posune ihri Tön au emol troffe händ). Nach de Gesamtprob händ alli töfe ihri Registerruum / mir euses Clubhuus pützerle. Sit s tüüfe Bläch ihre Rgisterruum butzt händ, hätt de Walesee 100l me Wasser. De Rolf hätt am Mittag sini Freud, wie guet mir Putzt händ, mit eus teilt, und so send mer met feine FaCHitas belohnt worde. Dänn hämmer eus müse stresse um au joh rächtzilig vorem Huus zstoh, damit mer au es Gondeli verwütsched. Met em Gondeli. semme nämli uf de Maschgekamm ufe gfahre und händ döt obe uf 2020m (de Flo hätt 2016m gmässe) es chlisies Höhetraing/Konzert döffe mache. Wommer ufghört händ spiele, isch de Petrus truurig worde und hätt Näbel gschickt. Fascht hääts en «Fight oft he Gods» (Schreibweise von Soldani) geh. Wahrschindlich hämmer sogar me Götter als Zueschauer gha als Lüüt. Es hätt aber trotzdem Spass gmacht und t Alphörndli händ au t'Sau use gloh. Wommer händ wider welle abe fahre, hets nur di erst Hälfti is Gondeli gschaft. Die ander Hälfti isch vo anschinend öppe 80 Forscher überrännt worde wo au no händ welle abe go. Sie sind denn fascht mit ihrne Trömmelis usw verfrore. Nach dem au de letscht Triangel wider ide Wäarmi acho isch, hämmer sogar nochli Freizit gha. Jetzt grad wartemer ufs Znacht, und freued eus uf em Flo sini Cocktailskills.

De Lager Bricht isch vom sagehafte, wunderbare und majestätische Königsregister.